



Jeffrey Kelly (AVP)

Ta trahando pa haya mas informacion posibel pa garantisar seguridad laboral di musiconan local

di musiconan di Corsou, Sr. Manfred “Feco” Gomes pa asina intercambia informacion pa loke ta trata proteccion laboral di musiconan.

Comision cu ta screen musiconan di afo

Na Corsou a regla e binimento di hendenan cu ta bin di afo pa fungi como musico via un Areglo Ministerial den e ley di LTU.

Esta cu esaki ta bay via un departamento special cu yama Comision Artistanan di Exterior, cu ta encarga cu admision di musiconan di afo. Tur loke ta cay bou di entretenimento mester pasa via e comision aki pa conseho y pa

finalmente haya un permiso.

Situacion na Aruba

Na Aruba tin e tendencia di ora ta busca musiconan pa entretenimento a opta pa tuma musiconan di afo, pasobra nan ta cobra mas barata. Especialmente na hotelnan esaki lo ta tumando luga frecuentemente. Te hasta ta bay asina leu dicta un yiu di tera y pone un musico of grupo di musico cu ta di afo. Despues cu varios musico a haya nan confronta cu perdida di trabou despues di a toca hopi aña na hotel esaki a bira un punto di discusion cu ta bin dilanti cu mas frecuencia.

Parlamentario Kelly ta enfatisa cu e no tin nada contra

di esunnan cu ta bin di afo como musico pa gana nan placa eherciando e trabou aki, pero mester percura pa nos musiconan local tin preferencia. Si no tin un yiu di tera pa haci e trabou, e ora ta sondea e posibilidad pa tuma otro hende.

Con leu nos ta

Minister di Labor a instrui un comision forma pa Clyde Burke, Inki Laurens y Robert Jeandor pa encarga su mes cu investigacion riba e situacion aki.

Segun Parlamentario Kelly a compronde, Sr. Burke lo ta un di e miembronan cu ta hopi activo buscando diferente tipo di informacion pa

loke ta trata entretenimento na hotelnan. Tambe Sr. Kelly a compronde cu A.M.M.A lo bira A.D.A.A cu ta para pa Asociacion Di Artistanan Arubiano. Esaki ta e asociacion cu lo mester bay encarga su mes cu tur loke ta trata derechonan di nos musiconan local.

Por ultimo Parlamentario Kelly kier haci un apelacion na tur musico pa para hunto, uni y duna nan mayor aportacion y colaboracion pa nan derecho nan wordo salvaguardia manera mester ta. Si no tin union entre musiconan local e situacionnan lo no conoce un mehoracion.



ORANJESTAD - Recientemente Parlamentario Jeffrey Kelly a haci un bishita na Corsou pa asina topa cu diferente personanan cu tin experiencia cu e tema aki. Sr. Kelly a combersa cu entre otro su colega Parlamentario Sr. Wilsoe cu ta ex Minister di Husticia di Corsou cu a yega di bin cu un maneho pa trata e tema aki.

Tambe Sr. Kelly a combersa cu presidente di asociacion